

DECLARATION

DV ROY, EN FAVEUR
DE SES SVBIETS DE LA
Religion pretenduë reformée, qui
font & demeureront en leur deuoir
& obeissance.

Donnée à Fontainebleau le 24. iour d'A-
uril 1621. & publiée en Parlement
le 27. desdits mois & an.



A PARIS,

Par A. ESTIENE, Premier Imprimeur &
Libraire ordinaire du Roy, rue S. Iacques
au College Royal, deuant S. Benoist.

M. DC. XLIV.

Avec Priuilege de sa Maiefté.

DECLARATION

DU ROY, EN FAVEUR

DE SES SUJETS DE LA

Religion protestante réformée, qui

sont établis en leur droit

et obéissance.

Donnée à Fontainebleau le sixième jour d'Avril

mil six cent quatre-vingt-neuf.


Lequel desir nous a été



PAR LE ROY,

En son Conseil, et par la signature de ses
seigneurs, et de ses conseillers, et de ses
autres, et de ses autres, et de ses autres.

Enregistré au
Parlement de Paris le sixième jour d'Avril
mil six cent quatre-vingt-neuf.



OVIS PAR LA GRACE DE DIEV
ROY DE FRANCE ET DE N A-
VARRE, A tous ceux qui ces pre-
sentes Lettres verront, Salut. De-
puis que nous auons pris en main
la conduite des affaires de nostre

Royaume, Nous auons reconnu que l'vne des
choses plus necessaires pour maintenir nos sub-
jets en repos & tranquillité, est de faire entretenir
soigneusement les Edicts de Pacification & De-
clarations faites en faueur de nos sujets faisans
profession de la Religion pretendue reformée.
C'est pourquoy nous y auons tousiours trauaillé
autant qu'il nous a esté possible : & mesme pour
leur donner d'autant plus de sujet de se contenir
en leur deuoir, & se louer de nostre bonté, Nous
auons bien souuent dissimulé & assoupy les deso-
beissances & contrauentions que plusieurs d'en-
tr'eux ont commises, ou bien nous auons essayé
de les destourner des fautes ausquelles ils se por-
toient, par des aduertissemens & Declarations que
nous auons faites & enuoyées où il a esté besoin,
pour leur donner connoissance de leur deuoir: Ce
que nous vo ulusmes pratiquer au mois d'Octo-
bre dernier, sur l'aduis qui nous fut donné, que nos-
dits sujets se dispoisoient à conuoquer & tenir
vne Assemblée sans nostre permission, en nostre
Ville de la Rochelle ; Surquoy nous fismes vne
Declaration pour interdire ladite Assemblée, &

defendre à tous ceux qui y seroient deputez, de s'y
 acheminer, & à ceux de ladite Ville de la Rochelle,
 de les y recevoir, sur les peines y contenuës; espé-
 rant par ce moyen les diuertir de ce dessein; à
 quoy aucuns ont obey: Mais comme il arriue sou-
 uent, que ceux qui ont les meilleures intentions
 n'ont pas tousiours le plus de creance parmy eux;
 Tant s'en faut que cette nostredite Declaration
 ait produit tout le fruit que nous en esperions,
 que au mespris d'icelle, plusieurs d'entre-eux
 n'ont delaisié de tenir ladite Assemblée, & en suit-
 te de conuoquer & en faire d'autres en plusieurs
 endroits de nostredit Royaume, sous diuers tiltres
 & pretextes, dans lesquelles ils ont fait des De-
 crets & arrestez, comme d'autorité souueraine,
 publié des Ordonnances pour tenir la campagne
 en armes, courir sus, & prendre comme par repre-
 failles nos subjets, contre les Arrests de nos Par-
 lemens, élu & nommé des Chefs, tant pour la
 campagne que pour les Villes; & y ont prins pour
 leur conduitte d'autres resolutiōs si pernicieuses,
 qu'il s'en est ensuiuy, des licences, excez & desor-
 dres tres-grands dans vne bonne partie des places
 qu'ils tiennent; ayant fait faire en icelles des for-
 tifications extraordinaires, leuées de deniers &
 d'hommes, enrōllemens de gens de guerre, fontes
 d'artilleries, achapts d'armes, Assemblées illicites
 & autres actions du tout contraires & preiudicia-
 bles à nostre autorité & à l'obeissance qui nous
 est deuë: Dont encores que nous ayons tout su-
 jet de demeurer offensez, neantmoins nous auons
 voulu patienter plusieurs mois, & considerer si

d'eux-mesmes ils ne se porteroient point à la reconnoissance de leurs fautes, pour en rechercher de nous la grace qui leur peut estre necessaire : & n'auons pas voulu delaisser cependant de faire pouruoir à plusieurs poincts & articles dont nous auons esté suppliez par les Deputez qui resident près de nous de la part de nosdits subjets, faisans profession de ladite Religion pretenduë reformée. Mais considerant maintenant que tant plus les choses vont en auant, & plus les licences & les desobeïssances s'augmentent parmy la plus-part d'entre-eux, & que l'audace de se faire se peut accroistre par nostre éloignement ; Nous auons prins resolution de nous acheminer du costé de la Touraine & du Poictou, & passer plus outre pour visiter les autres Prouinces de nostre Royaume, afin qu'estans plus proches du mal, nous ayons plus de moyen d'y pouruoir, avec l'intention que nous conseruons tousiours de maintenir le repos public, & faire soigneusement obseruer à l'endroit de ceux de ladite Religion, qui se contiendront en obeïssance, les Edicts & Declarations qui ont esté faits en leur faueur, & les faire iouïr des graces & concessions qui leur ont esté octroyées : Comme aussi faire chastier ceux qui se sont portez & demeureront en desobeïssance. Et afin que cette nostre intention soit conneuë d'un chacun, & que nosdits subjets de la Religion pretenduë reformée qui demeurent dans l'obseruation de nos Edicts, ayent sujet d'y prendre toute confiance, Nous de l'aduis d'aucuns Princes de nostre Sang, autres Princes, Ducs, Pairs, Officiers de nostre Cor-

renne, & principaux de nostre Conseil, Auons di-
 & declare, disons & declarons par ces presentes,
 voulons, entendons & nous plaist, Que les Edicts
 & Declarations faites par le feu Roy nostre tres-
 honoré Seigneur & Pere (que Dieu absolue) &
 par nous, tant pour la seureté & liberté de con-
 science & exercice de ceux de ladite Religion pre-
 tenduë reformée, que pour la iouissance des gra-
 ces & concessions qui leur ont esté octoyées par
 iceux, soient obseruez & gardez exactement, & de
 point en point, selon leur forme & teneur, pour
 ceux de nosdits sujets de ladite Religion preten-
 duë reformée, qui sont & demeureront en leur de-
 uoir & obeissance; Lesquels, ensemble leurs fa-
 milles & biens, nous auons prins & mis, prenons
 & mettons en nostre protection & sauue-garde
 speciale. Mandons aux Gouverneurs & Lieute-
 nans Generaux de nos Prouinces, & cōmandons
 tres-expressément à tous Gouverneurs & Capi-
 taines de nos villes & places, Baillifs, Seneschaux,
 Preuosts, Iuges ou leurs Lieutenans, Maires,
 Consuls, Escheuins, & habitans d'icelles, & à tous
 nos autres Iusticiers, Officiers & sujets qu'il ap-
 partiendra, de faire iouir nosdits sujets de ladite
 Religion pretenduë reformée, de l'effect de nos-
 dits Edicts, & de la presente Declaration, & auoir
 soin de leur seureté & conseruation: Comme aussi
 nous faisons pareil commandement à ceux qui
 commandent & ont l'autorité dans les Villes qui
 sont en la garde de ceux de ladite Religion, de
 prendre le mesme soin de nos subiect Catholiques
 qui y sont habituez, sur peine aux vns & aux au-

7
tres, d'en respondre en leurs propres & priez
noms: Voulant qu'il soit procedé contre ceux qui
y contreuiendront, & qu'ils soient punis & cha-
stiez comme perturbateurs du repos public, selon
la rigueur de nos Ordonnances. Enjoignant à nos
Procureurs Generaux & leurs Sussituts, d'en fai-
re toutes poursuittes & requisitions necessaires.
SI DONNONS en mandement à nos amez &
seaux Conseillers les Gens tenans nos Cours de
Parlemens & Chambre de l'Edict, Que cette no-
stre presente Declaration, ils facent lire, publier &
registrer, & du contenu en icelle faire iouir nos-
dits subjets plainement & paisiblement selon sa
forme & teneur, dans toutes les Villes & lieux de
leur ressort, sans y cōtreuenir, ny permettre qu'il
y soit cōtreuenue en quelque sorte & maniere que
ce soit: C A R tel est nostre plaisir. En tesmoin de-
quoy, nous auons fait mettre nostre seel à cesdites
presentes. Données à Fontainebleau le 24. iour
d'Auril, l'an de grace 1621. Et de nostre regne
l'vnzième. Signé, LOVIS. Et sur le reply, Par
le Roy, DE LOMENIE. Et seellées du grand sceau
de cire jaune sur double queuë. Et sur ledit reply,
est encores escrit:

*Leuës, publiées & registrées, ouy & ce requerant le
Procureur General du Roy; ordonné que copies colla-
tionnées seront enuoyées aux Bailliages & Seneschaus-
sées, pour y estre à la diligēce des Substituts dudit Pro-
cureur General, leuës, publiées & executées selon leur
forme & teneur, & certifieront la Cour auoir ce fait
au mois. A Paris en Parlement le 27. Auril 1621.*

Signé,

DV TILLET.

[illegible]

I have the honor to acknowledge the receipt of your letter of the 10th inst. in relation to the above-mentioned matter. I have the honor to inform you that the same has been forwarded to the proper authorities for their consideration. I am, Sir, very respectfully,
 Yours, very obediently,
 J. A. [Signature]